

四本堂座右編

重印四庫堂座右編序言

四庫堂座右編一書為康熙三

年水未君廟選輯宋書後南雅

本初德清為是編涉身涉世神益

靡窮余以此書題為世本世本

宋本西書官民法治技與紳商局

均願重印以廣流傳余嘉其善也

為替成玄武城經歌曾稱雅記今經
歌不復時推耳矣乃地等安仲爭以久
嘉主世所心唯以滿身別安行上將善處
世良處乃風候其古碑於地等安山神我
余始安乃序之應處事已三月去金鐘
去於新寺のまに街柳修致傾塵

四本堂座右編叙

先晦菴夫子訓曰讀書起家之本勤儉治家之本和順齊家之本循理保家之本知其所言莫非吾事內以爲身心性命外以爲天下國家苟其書不足以資體用是書負學者苟學者不以體用求之是學者負書古風旣邈時習滋澆求所謂兩不相負者憂憂乎其難之余幼而失教長而失學俵々然如無燭夜行以致服官律已言行之愆深於坑塹憶先榮祿公著端俗約言一書皆救時克亂之學行之滇黔楚蜀以及南之閩粵北之宣雲觀者不廢時余潛窺聲勢之場學而不省先人往矣知是書者又百無一存嗟嗟朝聚暮散日往月來提醒心性欲再見先人而不可得當甲辰之春患足初起養疴草閣靜覽史傳春秋七雄秦漢魏晉六朝李唐五代宋之列主其間君明臣良罔不體用聖賢吾世吾人省躬教子敬天守法迺又敢刻廢乎有慨於中克意群書凡可澡性浴德善世淑人先後一揆顯晦一致故易識前言往行書戒殷鑒不

遠太傅之說詩也曰明鏡所以照形也法古所以知今也又患以理爲理以事爲事事不準理猶撒錢無貫而理不儻事譬如說食終未得飽世不論久近期於有裨事不論奇平期於可訓則有欣然若跂者有歉然若負者有慙然面發赤者有瞿然失席不自容於天地者廣搜博覽以遵先考亭四訓晰類二十四卷間以採今人或以攬臆見遂成帙名書輟然一觀屋漏即在
大庭雞鳴不必平旦俯而讀仰而思因想自古豪傑必有老者爲之師如子房之於黃石公武侯之於龐德公皆龐眉黃髮明炳幾先所謂逐麋鹿搏虎豹則不足而定猶豫決嫌疑則有餘也余將置之座右爲鹿門圯上之師若謂傳之後世子孫則司馬溫公曰未必能讀

康熙三年甲辰清和浴佛日邗江韓山子卓月朱潮遠題於紫陽書院之尊生草閣

四本堂座右編凡例六則

一是編列起家治家齊家保家四綱每綱分領六則條晰二十四卷

一各卷不尙微奧不鬪靡麗篇長則恐覽之不竟理僻則恐閱之不省凡有關世教倫常足備法戒者觸於心目隨筆紀之未免先漢于秦先今于古次序紊亂觀者詳之

一六經學問如日月中天世所共見今止就往昔先正中言行可尊可法者奉爲典型

一所輯群典詳略不無各異稍爲刪潤

一立意標領四綱原取規勸故不妨雅俗兼收下學上達則俟觀者之鑑

一是書如潘緯十年古鏡蘭膏繼晷寢食不輟今甲辰春夏養疴草閣剝啄聲稀遂得悉心考訂付之梨棗管測蠡窺不足充鄴侯之目倘荷同志所許不敏願商續刻終

溫公讀書堂文史萬餘卷晨夕披閱雖數十年皆新若手未觸者嘗誡其子曰賈豎藏貨儒家
惟此耳當知寶惜吾每歲初夏視晴明日即設案向日側群書其上以曝其腦至啓卷必先視
凡案淨潔藉以茵褥然後端坐看之或欲行看即承以方版未嘗手汗沾漬以觸其腦每看竟
一版即側右手大指面襯其紙而覆以次指面撚而挾過故得不至揉熟其紙每見汝輩以指
爪撮起甚非吾意浮圖老氏猶知尊敬其書吾儒反不如耶汝曹念之

四本堂主人錄

千秋大雅方

此方專治一切多年俗病服久令人得大

智慧得大辨才得大福祿 從容一片

書史百城 細心 炯炯雙眸子 海口

一披濤

研明

不龜手

三分今時人不知輕重故取其少

搜索

下問

十六兩有以多爲貴者此類是也

右劑量成不

必安爐立竈以文火鼎愛不疾不徐如雞

抱卵自然水到渠成不拘風雨晦明晝夜

寒暑時服之忌燥

紫陽書院尊生閣手製

廣仁方

一畏天道 二遵王法 三行善不使人

知 四學喫虧 五輕財忍辱好施 六

甘澹泊 七不恃權勢妄自尊大 八不

交豪俠客不蓄優妓不寵健僕 九不尚

才華技藝工巧 十不殺生 十一不妄

語自欺 十二學佛法黃老守雌

韓山子識

四本堂座右編目次

一讀書爲起家之本

讀書卷一

敬畏卷二

學識卷三

政治卷四

志節卷五

雅量卷六

二勤儉爲治家之本

勤儉卷七

惜福卷八

詒謀卷九

種德卷十

勸誠卷十一

靜觀卷十二

三和順爲齊家之本

和順卷十三

敦倫卷十四

口德卷十五

廣慈卷十六

閒逸卷十七

明敏卷十八

四循理爲保家之本

循理卷十九

省愆卷二十

知止卷二十一

攝生卷二十二

好還卷二十三

心穴卷二十四

四本堂座右編目次終

四本堂座右編卷之一

邗水韓山子卓月朱潮遠輯

讀書

聖賢之精神心術。具在簡編。儒者欲繼往開來。毋踰誦讀。然險躁不能理性。

慢音也

慢不能研精。必其日就月將。人一己百。則發於憤憤者。其見益卓。開於冥冥者。其詣最深。尊所聞行所知。勿徒取辨於口耳。爲子孝爲臣敬。急須致力於綱常。慎毋使人置我於孔光張禹許柳之間。曷爲讀書不識字也。叙讀書第一

先晦庵夫子曰。爲學之道。莫先於窮理。窮理之要。必在於讀書。

楊敬仲先生曰。仕宦以孤寒爲安身。讀書以饑餓爲進道。居家以無事爲平安。朋友以相見疎爲久要。理到之言也。

世間極閒適事。如臨汎

音信水
盛曰汎

游覽。飲酒奕棋。皆須覓伴尋對。惟讀書一事。止須一

人。可以竟日。可以窮年。環堵之中。而覽觀四海。千載之下。而覲面古人。其精微者。可以斧藻性靈。其宏肆者。可以開拓見聞。天下之樂無過於此。而世人不知。殊可惜也。

宋杜孟遊太學。因童貫蔡京用事。幡然而歸。嘗訓子孫曰。忠孝吾家之寶。經史吾家之田。時號爲寶田杜氏。

呂氏春秋。寧越少時苦耕。友人謂曰。君學三十年。可免貧賤。越曰。他食吾不食。他寢吾不寢。如此十五年。可以成矣。

宋黃山谷與人書曰。每相聚輒讀前漢書數集甚佳。人胸中久不用古今澆灌。則塵俗生其間。照鏡則面目可憎。對人亦語言無味。

魏管寧。字幼安。朱虛人。家貧好學。坐蓊牀五十年。當膝處皆穿。

南北朝顧歡。鹽官人。家貧無以受業。每於舍後聽人誦書。無遺亡者。夕則燃松節讀書。有孝行。母亡。水漿不入口者七日。南齊高帝召爲大學博士不就。

齊沈麟士。家貧織簾讀書。手口不輟。號織簾先生。後居相位。歸養其親。人號曰。織簾相公來也。

五代范質。字文素。自從仕以來。未嘗釋卷。人或問之。答曰。昔嘗有異人與吾言。他日必當大用。苟如是言。無學術何以處之。

范文正公少時。多延賢士。胡瑗。孫復。石介。李覲之徒。與之遊。晝夜肄業帳中。夜分不寢。後公貴。夫人李氏收其帳。頂如墨色。時以示諸子曰。爾父少時勤學燈煙跡也。公有四子。純佑純仁純禮純粹。

唐李德裕。以器業自負。好著書。雖位極台輔。而讀書不輟。初貶潮陽。在蒼黃顛沛之中。

猶留心著述。

米元章亦云。一日不讀書。便覺思澁。想古人未嘗片時廢書也。

樂城先生云。讀書如服藥。藥多力自行。

陽明先生曰。變化氣質。居常無所見。惟當利害。經變故。遭屈辱。平時憤怒者。到此能不憤怒。憂惶失措者。到此能不憂惶失措。始是能有得力處。亦便是用力處。

君子之學。非爲富貴也。此心之理。不可不明故也。爲富貴而學。其學必不實。其理必不明。其德必不成者也。富貴之來。無心所得。不然。潛居抱道。沒齒無怨。

惟讀書有利而無害。惟愛溪山有利而無害。惟翫風月花竹有利而無害。惟端坐靜默有利而無害。是謂至樂。

讀書貴能用。讀書不能用。是讀書不識字。郭登詠蠹魚詩曰。瑣瑣如何也賦形。雖無鱗

甲有魚名。元來全不知文意。枉向書中過一生。

讀書貴有眼。如道德經。則有無二字是眼。楞嚴經。則心目二字是眼。心經。則觀照二字是眼。

袁了凡曰。讀書要疑。大疑大悟。小疑小悟。不疑不悟。

嘗謂今人讀書。得如漢儒亦好。漢儒各專一家。看得極仔細。今人纔看這一件。又要看那一件。下稍都不會理會得。

先考亭夫子云。凡學須要先明得一個心。然後方可學。譬如燒火相似。必先吹發了火。然後加薪。則火明。若先加薪。則火滅矣。

吾輩所以必須學者。皆緣習氣作梗。要得消磨。蓋自有知識以來。積染成習。如油入麵。未易脫離。誠不可以平日虛見爲得手。須是終日應酬。終日收斂。不使習氣乘機潛發。